

58

Caeli, Lesbia nostra, Lesbia illa,
 illa Lesbia, quam Catullus unam
 plus quam se atque suos amavit omnes:
 nunc in quadriviis et angiportis
 glubit magnanimi Remi nepotes.

5

58a

Non custos si fingar ille Cretum,
 non si Pegaseo ferar volatu,
 non Ladas ego pinnipesve Perseus,
 non Rhesi niveae citaeque bigae;
 adde huc plumipedas volatilesque,
 ventorumque simul require cursum,
 quos iunctos, Cameri, mihi dicares:
 defessus tamen omnibus medullis
 et multis langoribus peresus
 essem te mihi, amice, quaeritando.

10

59

Bononiensis Rufa Rufulum fellat
 uxor Meneni, saepe quam in sepulcretis
 vidistis ipso rapere de rogo cenam,